

Plans de mellora

Coa finalidade de garantir un desenvolvemento sustentable do noso espazo rural é necesario apoiar a mellora da renda das explotacións agrarias nun sentido amplo que inclúa a mellora da calidade das producións, o respecto polo ambiente e a diversificación das actividades.

Neste sentido, a axuda aos investimentos ten por obxecto modernizar as explotacións agrarias, aumentar o rendemento económico a través dunha utilización adecuada dos factores de produción, incluída a utilización de novas tecnoloxías e a innovación, centrándose na calidade e a diversificación, así como en mellorar a seguranza ambiental e a seguranza no traballo, a hixiene e o benestar dos animais nas explotacións.

Este proceso debe continuar no marco do Regulamento (CE) 1698/2005, do Consello, do 20 de setembro de 2005, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader), o Regulamento (CE) 1974/2006 da Comisión, do 15 de decembro de 2006, polo que se establecen as disposicións de aplicación do antedito Regulamento do Consello, así como no previsto na Lei 19/1995, do 4 de xullo, de modernización das explotacións agrarias. As axudas para 2011 están reguladas pola Orde do 29 de decembro de 2010 que modifica a orde do 31 de maio (DOG nº105, do 4 de xuño) van dirixidas á realización de investimentos para a mellora do sistema produtivo así como á incorporación de agricultores mozos e mozas como titulares das explotacións do sector agrario, no marco dos anteditos regulamentos e en concordancia coas liñas estratéxicas comunitarias e estatais reflectidas tamén na redacción do Programa de Desenvolvemento Rural de Galicia para o período 2007-2013. O cofinanciamento do Feader nestas axudas poderán acadar unha porcentaxe do 57,56% do gasto executado.

Para acadar os obxectivos é necesario dirixir as actuacións ás explotacións agrarias que acrediten a súa viabilidade económica, que cumpran as normas mínimas en materia de ambiente, hixiene e benestar dos animais; nas cales a persoa titular teña a capacidade e competencia profesionais adecuadas. Así mesmo, é preciso velar pola actividade agraria máis alá da condición de agricultor/a profesional, sempre que se acredite a viabilidade económica e se cumpran as normas mínimas en materia de ambiente, hixiene e benestar dos animais.

A incorporación da poboación nova e capacitada á titularidade das explotacións agrarias é unha das mellores vías para estimular a introdución de novas tecnoloxías no sector e contribuír a asegurar a súa competitividade e a continuidade do tecido agrario.

Beneficiarios e investimentos obxecto de axuda

Beneficiarios

Os plans de mellora das explotacións agrarias suporán unha mellora integral e duradeira da economía da explotación agraria, e ademais deberán demostrar, mediante cálculos específicos, que os investimentos materiais ou inmateriais a executar están xustificadas desde o punto de vista da situación da explotación e da súa economía e que a súa realización suporá unha mellora do rendemento global da explotación agrícola. Os beneficiarios, entre outros requisitos, deberán:

- » Ser titulares dunha explotación agraria.
- » Presentar un plan de mellora da súa explotación.
- » Comprometerse a exercer a actividade agraria durante cinco anos.
- » Acreditar a súa viabilidade económica.
- » Acadar polo menos unha UTA.
- » Cumprir as normas mínimas en materia de ambiente, hixiene e benestar dos animais.

Investimentos obxecto de axuda

- » A mellora das condicións de vida e traballo dos/as agricultores/as.
- » A mellora cualitativa das producións en función das necesidades de mercado e con vistas á adaptación ás normas comunitarias de calidade, así como para a diversificación das actividades agrarias.
- » A adaptación das explotacións con vistas a reducir os custos de produción, aforrar enerxía ou auga, ou a incorporación de novas tecnoloxías.
- » O cumprimento das novas normas comunitarias en materia de ambiente, hixiene e benestar dos animais.
- » A mellora das condicións de hixiene das explotacións gandeiras, a protección e mellora do solo, da cuberta vexetal e do ambiente.

Investimentos exceptuados de axuda

Non se concederán axudas para os seguintes investimentos:

»

- » Os investimentos de simple substitución non poderán optar a axudas ao investimento.
- » Os investimentos na compra de dereitos de produción, animais e plantas anuais e a súa plantación.

Prazos, contía e tipos

Prazo de execución do plan de mellora

O prazo de execución dos investimentos será, como máximo, de 18 meses.

Contía e tipos

A axuda consistirá na subvención, total ou parcial, dunha ou varias anualidades de amortización de préstamos formalizados para levar a cabo o investimento, ou no caso de non solicitar préstamo, poderase obter unha axuda en forma de subvención de capital.

Prazo

Establécese para o ano 2011 un período de solicitude de: dende a entrada en vigor da orde ata o 28 de febreiro de 2011.

O prazo para resolver as subvencións será antes do 31 de decembro de 2011.

Para máis información, diríxase á Oficina Agraria Comarcal máis próxima á súa localidade. Consulte os enderezos das oficinas agrarias.

 [Bases reguladoras 2010](#) (421 Kb)

 [Convocatoria 2011](#) (81 Kb)

 [Norma complementaria 2011](#) (7.4 Mb)

Ponencias curso medidas 112 e 121

 [Aspectos fiscais na titularidade das explotacións agrarias](#) (175 Kb)

 [Decreto 133/2008 Avaliación de incidencia ambiental](#) (129 Kb)

 [Normas mínimas](#) (4.8 Mb)

 [Novidades orde 2010](#) (2.8 Mb)

 [Presentación curso controis FEADER 2010](#) (2.8 Mb)

 [Programa curso medidas 114 e 115 do 29 e 30 de xuño de 2010](#) (75.2 Kb)

 [Requisitos e compromisos](#) (127.566 Kb)

Formación medidas 112 e 121

 [Xornada Técnica sobre explotacións agrarias](#) (39,44 Mb)

 [Xornada Técnica sobre lexislación](#) (48,68 Mb)